

गोण पेत वर्त्थु

सुजात जातक

धम्मपदया—बुद्धवचन



ख. रामलाल उपासक



Dhamma.Digital

“ नमो तस्स भगवतो अरहतो सम्मा सम्बुद्धस्स ”

गोण पेत वत्थु

सुजात जातक

धम्मपदया—बुद्ध वचन

अनुवादकः—

ख. रामलाल उपासक

Dhamma.Digital

प्रकाशक-

श्रीमती विष्णु कुमारी

पुत्र— रामकृष्ण, बद्रिकृष्ण

राधाकृष्ण मानंधर सपरिवार

प्रकाशक—

श्रीमती विष्णु कुमारी

पुत्र- रामकृष्ण

बद्रिकृष्ण

राधाकृष्ण

मानन्धर सपरिवार

प्रथम संस्करण-१००० प्रति

अथ सफू धर्मदान रूपे वितरण



प्रकाशक:-

Dhamma.Digital

बुद्धसम्बत-२५२७

वि. सं.-२०४०

ने. सं.-११०४ महापूजा भिंतुना

इ सं-१६८३

मंगलकामना

थव धर्मसफू ख० रामलाल

उपासकया कुतःलं प्रेत वत्थुया— गोण प्रेत वरथु वास्य
व चतुरात्य सत्य ज्ञान धर्म, अले धर्मपद या बुद्ध वचनामृत
संग्रह कथं संक्षिप्त च्वयादीगु भाषा शुद्धि व प्रुफ् स्वयंगु प्रेश
सम्बन्धी कार्यं भार वियादीगु फु चागु धर्मकार्यं ग्वाहालि विया ।
थवसफूया दातापि श्रीमती विष्णु कुमारी, वेकः या पुत्र राम-
कृष्ण, बद्रिकृष्ण राधाकृष्ण मानंधर पिनि श्रद्धां स्वर्गीय अष्ट
नारायणया सुखी स्वर्गादि निर्वाण शान्ति कामना याना दीगु
थव धर्म दान पुण्यं सकलसत्वपिनि मंगल, शान्ति जुयमाः धर्मगु
भितुनागु जुल ।

भिक्षु सुखोधानन्द
गणमहाविहार ये

स्वाँ थें जाःगु जीवन ?

स्वाँ थें जाःगु जीवन कीगु, ज्ञान मिखाँ थन स्वेगु ।

प्रात कालया शीत विन्दुनं, जाया व च्वंगु स्वाँन ॥ १

बांलागु स्व कङ्कः धाय्क, सकसियाँ यइपुवे च्वंक ।

बालकालया दृश्य थव जुल, विचायाना स्वे माल ॥ २

चो त्वीया वल स्वाँमा पिं नं, सकलें सिमा क्वे फाल ।

प्रेम पूर्वकं रंग विरंग, सु-गन्ध स्वाँ फो ध्वल ॥ ३

शीरे छुरानं, ह्लाती कथानं, प्रेम याना जुल स्व व ।

त द्रूप यौवन रंग खना नं, मोह मन थन जूल ॥ ४

योगु व स्वाँ नं, सुखुचिना बन, मयोगु भावं थिल ।

बुढा, बुढीया अवस्थां थीब, सुखुगु स्वाँ थें यात ॥ ५

जबा जुया बन योगु मखुत, स्वाँया महिमा फूत ।

कोनं स्वाँथें सिना बने वं, जीवन या जुल अन्त ॥ ६

सोकिैपासापि स्वाँया उपमा, जीवन घटना ध्वीक ।

धीर मदुगु देह थव कीगु, फुना बनीगु खंक ॥ ७

अनित्य भाव नुगले धनाव, धर्मया कार्य हे याव ।

जन्म, जन्मसं सुख फत बीगु, हितकर पुण्य हे जुल ॥ ८

बुद्धाब्द-२४६६,

प्राय्- शाक्यमुनि विहार, भोजपुर

रचयिता

"भिक्षु सुदोषानन्द"



स्व० अष्टनारायण मानंधर
जन्म वि० सं० १६६४
मृत्यु वि० सं० २०३६।१२।५।७

अनु. विचा ख

थ बुद्ध बचनामृत सुत्पितक या खुद्दकनिकाय
 अंतरगत गोनपेतवत्थु सुत । भाजु रामकृष्णं थः पिता परलोक
 जूम्ह अष्टनारायण मानन्धरया पुण्यस्मृति श्रद्धा तया
 धर्म दानं निर्बीण कामना न्हेथना, अनुवादया कार्य भार
 बियादीगु तःधंगु पुण्य कार्य खः धैगु ली जितः लुमंसे वःगु-
 ह्लापाया जमानाय् थवहे सरीरे अनुभव जूगु बुद्धं उपदेश
 जुया विज्यागु थजागु महान उतम ज्ञानया खँ न्यनेगु बोनेगु
 दुर्लभ छुं छगू दुगुमखु । थुगु परिस्थिति भन्तेपिनि प्रयासं
 प्रसस्त नेनास्वया पालन यायगु दया नं, छीसं नेनाधारण पालन
 याय मफुगु छगू उपमा- गथे लखय च्वंम्ह व्यांचिया मचां
 माँम्ह पृथ्वीले वनावःगु खं कंवले लखेथे पृथ्वीले म्हितेज्यूला?
 धाःगुली ! मज्यू धाः बले पृथ्वी धागु पत्या मजू थे ।
 लोकय् छीसं भगबान बुद्धया धर्म थ्वीके मफया मसिया
 अनविस्वास जूगुयात,- नथीमे सरणं अञ्जं बुद्धोमे सरणं
 वरंभगवान् बुद्ध भैषज्यं गुह खः । गये रोग व्याधिशान्ति
 याय्गुली आपालं सः स्यूम्ह भिम्ह दयाकरुणा दुम्ह वैद्य खः
 धका वयानजक यानाजुयां छुं खेलेमदुथें, बचन अनुसार संयम
 जुया वासः सेवन यासा वैद्ययागु उपकारं रोगंमुक्त ज्वी नव
 वयान जकयाना जुयां रोगं मुक्त ज्वीमखु । अतयव बुद्धं
 धैविज्यात चिकित्सक पिसं नाना रोग जूपित वासः वी
 लायनं फु मलाय नं फु । आर्य सत्य अमृत वासलं मलाइ
 मखु । छिम्तर्जि लँसम्म केनावी व लॅं वनेमार्पि छिपिहे खः ।

थ बुद्ध बचनयात छीसं थ्वीका काययोगेजू ।

अनुवादक- ख. रामलाल मानन्धर

“प्रकाशक” पिनि पाखें”

स्व० अष्ट नारायण मानंधरया पुण्य स्मृति निर्वाण
कामना यासे श्रद्धा तया प्रकाश याकागु थव धर्म सफू शुद्ध
यायगु व भाषा व धर्म शब्द तपतया प्रुफ स्वयगु अभिभार-
परिश्रम याना बिज्यागु लीं वस्योल पूज्य भन्ते सुबोधानन्द
यात जिमिगु सहश्र बार साधुवाद दु ।

श्रीमती बिष्णु कुमारी
पुत्र रामकृष्ण, बद्रिकृष्ण,
राधाकृष्ण मानन्धर सपरिवार

Dhamma.Digital

स्व. अष्टनारायण जन्म वि. सं. १९६४ - स्वर्ग २०३६।११ शुक्ल-४

नमोतस्स भगवतो अरहतो सम्मासम्बुद्धस्स ।

१३—गोण पेत चत्थु

“किनु उम्मत रूपो व” धैगु गाथा छगु समय भगवान् शास्ता श्रावस्ती अनाथ—पिडकया आराम जेतबन महाविहारे विज्याना च्वंगु वखतय् थःह्य पिता परलोक जुया शोक याना जूह्य कुटुम्बिकया कारणे भगवानं उपदेश जूगु—

श्रावस्तिया छ्ह्य कुटुम्बिकया पिता परलोक जुया शोक याना लये० वं वं थाय् नापला पिके जिमि अबु खँला धका नेना जूह्य यात सुनानं वयात वोध याना शोक शान्त याय् मफु, तर वया चित्ते श्रोतापत्तिफल प्राप्त ज्वीगु हेतु दुह्य जुया च्वन ।

छन्हु भगवानं महाकरुणा समापत्ति ध्यानं उह्य उपासक श्रोतापत्ति फल प्राप्त ज्वीफैगु हेतु खंका भोजनंलि भिक्षु साथय् बोना वैथाय् छेँ विज्यात । उपासकं भगवान् विज्यागु खना आसने विज्याका वन्दना याना छखेलिक च्वना विन्तियात—भगवान् शास्ता ! छलपोलं जिह्म पिता गनवन स्यूला ?”

भगवानं वैके न्यन—उपासक छं थुगु जन्म याह्य पिता याखं न्येनागु खःला ? ह्वापाया जन्म यार्पि वौ पिनिगु खँ न्यनागु गथेखः ?

थुलि बचन न्यने मात्रं अहो धार्थें खः जि ह्लापा
 ह्लापागुलि जन्म जुया वया जन्मपर्ति यापि गुलि अबुष्ठि
 मदै वने धुंकल ज्वी धैगु विचार मनय् लुइ मात्रं शोक
 भचा हटय् जुयावंगु सीका भगवानं शोक ताःपाकेत धर्मया
 खं न्यंका शोक मदुसेलि प्यंगू आर्यसत्य-कना विज्यातः-

(१) “दुःख आर्यसत्य जन्म, जरा, व्याधि, मरण,
 योपि [नापवाय, मालिगु, मयोपि नाप होनेमालिगु, इच्छा
 यानागु पुरेमज्वीगु, परिणामे पञ्चस्कन्धया सरीर धारणा
 यानाच्चने माःगु दुःख खः ।

(२) “दुःख समुदय आर्यसत्य-काम तृष्णा [पञ्चकाम
 गुण भोग विलास] भव तृष्णा-[सुगति सुखावति आदि
 वासया तृष्णा, विभव तृष्णा-[ह्लापाया जन्मनं मदु लिपा जन्म
 ज्वीमागुनं मदु पाप पुण्य छुंमदु भापा च्वनीगु]

(३) “दुःख निरोध आर्य सत्य दुःखया हेतु तृष्णा
 मदय्केगु, सम्यक दुष्टि कामोप भोग विलास अनर्थं जीवन
 महनेगु व-थःगु शरीरय् व्यर्थ कस्त मविगु अर्थात् लखय्
 दुना होमादि ताप, निराहार आदि दुःख अनर्थ कर्थं जीवन
 महनेगु थ्व निगूलि मिथ्यां बचय् जुया, च्वनेगु ।

शास्ता बुद्धं मध्यम मार्गया ज्ञान निर्वाणया लागि
 कना विज्यागु खः ।

(४) “दुःख निरोध गमिनि प्रतिपदा मार्ग आर्य
 सत्य ?

अष्टाङ्गिक मार्ग—

- | | | | |
|-----|-----------------|---|---------|
| [१] | सम्यक् दृष्टि | } | प्रज्ञा |
| [२] | सम्यक् संकल्प | | |
| [३] | सम्यक् वाणी | } | शोल |
| [४] | सम्यक् कर्मन्ति | | |
| [५] | सम्यक् आजीव | | |
| [६] | सम्यक् व्यायाम | } | समाधि |
| [७] | सम्यक् स्मृति | | |
| [८] | सम्यक् समाधि | | |

“सम्यक् दृष्टि” प्यंगु आर्यसत्य लुमकेगु ।

“सम्यक् सङ्खल्प” नैष्क्रम्य सङ्खल्प, अव्यापाद सङ्खल्प अविहिंसा सङ्खल्प ।

“सम्यक् वाणी” मुसावाद, पिसूनवाचा, फरूधवाचा संफप्पलाप वाचां विरत ज्वीगु ।

“सम्यक् कर्मन्ति” पाणातिपाता, अदिन्ना दान, काम मिथ्याचारं विरत ज्वीगु ।

“सम्यक् आजीव” मद, मांस, वीष, हथियार, जानवर रोजगार तोता लोगु रोजगार यायेगु ।

“सम्यक् व्यायाम” मनय अकुसल उत्पन्न मजुनीगुमज्वीका छोय्गु, मनय अकुशल उत्पन्न जूगुदुसा फुका छोय्गु, उत्पन्न मजूनिगु कुसल चित्त उत्पन्न ज्वीकेगु, उत्पन्न जुगुकुसल चित्त बृद्धियायां यंकेगु । “सम्यक् स्मृति –“ स्मृति प्रस्थान- कायानु स्मृति,

वेदनानु स्मृति, चित्तानु स्मृति, धर्मानु स्मृति भावना ।

“सम्यक् समाधि -” चित्तया उपक्लेसं प्रज्ञायात दुर्बल
याइगु छिगू संयोजन बन्धन फुका, यका-ग्रचिं भावना यायगु ।
उपदेस विया उम्ह कुटुम्बिक यात श्रोतापत्ति फले
प्रतिस्थित याना भगवान अनं ल्याहाँ विज्यात ।

भिक्षु पिनि धर्म सभाय् थखँ चर्चा जुल-“आबुसो !
शोकय् अत्यन्त दुवेजुया जूह्य उह्य कुटुम्बिक उपासकयात
भगवान् क्षणभर उपदेश न्यंका शोक शान्तयाना श्रोतापत्ति
मार्ग फले प्रतिस्थित याना विज्यात । धन्य भगवान् या
प्रभाव धका धर्मया खँ जुया च्वँथाय् भगवान् विज्याना
बुद्धासने विराजमान जुया न्यना विज्यात ?

भिक्षु पि छिमि छु खँ जुयाच्चन । भिक्षुपिसं जूगु खँ
कना विन्तियात, भगवानं धै विज्यात ! भिक्षुषि ! आ जक
वैत थजागु शोक फुकावियागु मखु बुद्धपद लाय् या ह्वापाया
जन्मयनं अथेहे दुःख जूह्य यात शोक फुका विया वैगु दु,
धैविज्यागु वचन न्यना भिक्षु पिसं आयागु खँ सिल, भगवान्
ह्वापाया खं धैविज्यागु गये खः धका प्रार्थना यासेलि ह्वापा
पूर्व जन्मया खँ सुजात जातक उपदेश यानाविज्यात ।

सुजात जातक

अतीत समय छझ गृहपतिया पिता परलोक जुया
अत्यन्त शोकं विलाप याना छातिदाया मसाने वना चाः चाः

हिला जुयाच्चंह्या यात सुनानं वयाशोक शान्तयाय् फुगुमखु ।

व गृहपतिया सुजात पण्डित बुद्धिमानि पुत्र छह्य दैच्चन ।
उह्य पण्डितं थः अबुजुं याना जूगु शोक फुकेया कारणे स्वचे
याना जूम्हं छन्हुया दिने पिने वंवलय् लैय् छथाय् दोहँ
छह्य सिना च्वंगु खँना घाँय् छम्हु व लः हया सीह्य दोहँया
म्हुतु याथाय् तथा म्वानिह्या यात नकेथ्यें न न त्वं त्वं धका
हाला च्वंःच्चन । लैय् वः पिसं अथेहाला च्वंगु खना इमिसं
धाल सुजातः छ छु जुल ? छु धै च्वनागु सीह्य दोहँयात
आम्थे धै च्वने वले सुजात वयें जुल मधाइला धका, गुलिस्याँ
सम्भय् यातनं छुं लिसः ब्यूगुमखु अथेहे हाला च्वसेलि इमिसं
विचार यातकि अथेमखु ? आःवया पिता या थाय् वना सुच्चं
बीमाल धया शोक याना च्वंह्या गृहपतिया थाय् वना धाल-

गृहपति छिह्य पुत्र सुजात वयें जुया लयें विचय्
सिना च्वंह्या दोहँयात घाँय् लः तथा न न त्वं त्वं धया हाला-
च्चन जिमिसं सम्भय् यानां मानय् मजू अथेहेतुं हाला च्वन
धागु वचन न्यना उह्य गृहपति, पिता परलोकया शोक
लोमंका जिह्य पुत्र छुजुलथें धैगु मनय् वना हत पतं थव
पुत्रयाथाय् वना स्ववंवलय् अथेहे हाला च्वंगु खना धाल-

पुत्र सुजातः छला पण्डित बुद्धिमानि खः छु जुल थथे
सीम्ह दोहँया थाय् च्वना छाय् हाला च्वनागु पुता धया गाथालं
धाल-

१- “किनु उम्मत्त रूपो व लायित्वा हरितं तिणं ।

खाद खादा बिलपसि, गत सत्तं जरग्गवं ॥

२- “नहि अब्बेन पानेन, मतोगोणो समुद्दु हे ।

त्वंसि वालो च दुम्मेधो, ययातञ्चो, व दुम्मतीति” ॥

अर्थ- १ वाउँगु धाँय्हया सीम्ह दोहँयात न न धका
छाय् वेँ थेँ हाला च्वनागु पुता ?

२- सीम्ह दोहँयात नय्गु त्वनेगु केनेवं म्वाना वैमखु
थ्व छंगु मूर्ख अज्ञान खः छ पण्डित धका सकसिनं स्यू छंगु
बुद्धि छु जुलः ?

‘थ्व खँ न्यना सुजातं थः पिता यात थःगु मनय्
च्वंगु खं सम्फेयाना नियुगाया न्येकल-

१- “इमे पादाइदं सीसं, अयं कायो सवालधिं ।

नेत्ता तयेव तिट्ठन्ति, अयं गोणो समुट्ठ हे ॥

२- “नाय्य कस्स हत्थपादा, कायोसीसं च दिस्सति ।

रुदं मत्ति कथूपस्मि, ननुत्वञ्चे व दुम्मतीं ति ॥

अर्थ-

१- “थ्व दोहँया तुतिदुँच्छोँदु ह्विप्पं सहित सरीर
मिखा दु सक्तां दुरुष्ट दुम्ह दोहँ छाय दने मफे ?

२- “बितय जुया परलोक वंम्ह बाज्याया, न
ह्लातुति खनेदुँन सरीर न छ्योँ खनेदु अजग्गह या निमितय्
समसानेया चाडोँ दुयाय् वना ह्विथं खोबिधारा हाय्का
चाचा हिलाजूम्ह छि हेँबुद्धि मदुम्ह खः ।

“थ्व खं न्यना गृहपति या मनय् धाथेै जि पुत्र
पण्डित हेखः जितः सम्फे याय् या निर्मित थुगु प्रकारं ज्ञानया
खँ दय्का न्यंकुगु खः धैगु मतीतया धाल-पुता सुजात !

सकले प्राणि पि सीमाधैगु जि थुल । आवंलि शोक याय्
मखुत । थथेशोक जुया च्वंपिनित शोक फुका शान्ति यायत
पण्डित पिसं थथे हे उपाय याना शान्ति यायमा धया थः
पुत्र या प्रशंसा याना प्यपु गाथा न्यंकल—

१— ‘आदित्तं वत मं सन्तं, घतसित्तं व पावकं ।

वारिना विय ओसिञ्चं, सब्बं निब्बा पयेदरं ॥

२— “अब्बही वत मे सल्लं, सोकं हृदय निस्सितं ।

योमे सोक परेतस्स, पितु सोकं अपानुदि ॥

३— “स्वाहं अब्बूह्लसल्लोस्मि, सीतिभूतोस्मि निब्बुतो ।

न सोचामि न रोदामि, तव सुत्वान माणव ॥

४— “एवं करोन्ति सप्पञ्च्रा, येहोन्ति अनुकम्पका
विनिवत्तयन्ति सोकम्हा, सुजातो पितरं यथा’ ति ॥

अर्थ-

१— “ध्योलं च्यागु मि दन्क्य् जूथे छ्वै च्वंगु जिगु
हृदयया शोक, मीँ, लः लुना बीथें मनय् च्वंगु दुःख शोक
शान्त याना विल ।

२— ‘जिगु हृदयया शोक रूपी कँ यात छं लिकया
दुःख फुका विल पितृ बियोगया कारणं जूगु शोक छं फुका
विल ।

३— “हे पुत्र ! छंगु गूण खँन्यना आः जिके शोक
रूपी दन्क्य् जूगु मि शान्त जुल आःजितः सिचुसे च्वन ।

४— ‘सुजातं थः पिताया शोक फुका ब्यूथे प्रज्ञा
वान अनु कम्पक तैपिसं थजागु शोक फुका बी ॥

“थ पुत्रया खौ न्यना अबुम्हं शोक मयात । थनंलि
अस्नान याना नय्त्वने याना मागु ज्याखौ चलय्यात, लिपा
मानवक मृत्यु जुयास्वर्ग वास जुल । सुजात पण्डित जि हे
खः ।”

भगवान् या धर्म उपदेश न्यना आपालं जनपि
श्रोतापत्ति मार्ग फले प्रतिस्थित जुल ।

धम्म पद

जरावरगो

अर्हत्व प्राप्त ११।८

(आनन्द स्थवीर या विषय उदान कथा)

[थवधर्मोपदेश भगवान वोधिबृक्षमूले विज्याना
च्चंबले उदान यारूपय् ह्लाना विज्यागु लिपा आनन्द स्थवीरं
याचना यागु जुया देसना जूगु ।

भगवान वोधिबृक्षयामूले विज्याना सूर्यास्त ज्वीयां
पूर्व हे मारसेना या विध्वंस याना प्रथम यामे पुर्वे निवास
स्मृतियात त्वपुया तःगु सुपात्रे चीका, मध्ययामे दिव्यचक्षु
विशोधन याना, तृतीय यामे सत्वप्राणी प्रतिमहा करुणा तया
प्रतित्य समुद्पाद अनुलोम प्रतिलोमे विचरण यायां
अरुणोदय समय सम्यक् सम्बोधि प्राप्त याना अनेक सहश्र

(६)

पूर्वं बुद्धं द्वारा परम्परा न्ह्याना वै च्वंगु उदानं ह्लाना विज्यागु
ध्वं गथा—

अनेक जाति संसारं सन्धाविस्तं अनिविसं ।

गहकारकं गवेसन्तो दुक्खा जाति पुनप्पुनं ॥८॥

गहकारक ! दिठोसि पुनर्गेहनं काहसि ।

सब्बाते फासुका भग्ना गहकूटं विसङ्घितं ।

विसङ्घारं गतं चित्तं तण्हानं खयमञ्जगा ॥९॥

आदिया पत्तामदु क्षणभर रोके मजुसे जन्म मरणया
संसार चक्रे चा ह्यु ह्यु ध्वं कायारूपी गृहं दयकुम्हं तृष्णा
यात माला जुया गुलि दुख मय जन्म मण लाय धुन । हे
गृहकार-तृष्णा आजि छंत खंके धुन, आ हाकनं छं ध्वं गृहं
दयके फैमखुत । छंगु गृहं दयकेगु गृहसामान ध्वस्त याय
धुन । चित्त संस्कार रहित जुल । तृष्णा-क्षयं अहंत्वं प्राप्त
ज्वी धुन ।

Dhamma.Digital
पिय वग्गो

स्वागत याइगु १६-९

नन्दिय श्रेष्ठी पुत्रया कथा

वाराणसी श्रद्धालु नन्दिय श्रेष्ठी पुत्रं-बुद्धं व बुद्धश्रावकं
भिक्षु संघ यात न्हित्थं दान यायां वै च्वंम्हं बिहार दयका दान-
बीगु चित्ते विचारं वेका ऋषिपतन मृगदाय छागु बिहार दयका

भिक्षुसंघ साथ भगवान् बुद्ध यात । दान यात । दान याय् सायं
तावतिस-भवने छगु बाहू योजने विस्तृत सच्चिद् योजन तः
जागु सप्तरत्नमय स्त्रीपिसमलं कृत दिव्य प्राप्ताद उत्पन्न जुल ।

छन्ह महामौद्ग ल्यायनस्थवीर देवलोकय चारिका
विज्यावले उगुप्राप्ताद उत्पन्न जुयाच्चंगु खना देवता पिके न्योंवले
उगुप्राप्तादे च्चंपि अप्सरापि प्राप्ताद वबाहाँ वया खंकना धाल-
“भन्ते । जिपि नन्दिप या सेविका ज्वीपि वय्कः विना मेपि
मदु, वय्कःयात याकनं थन वा धयाहगु दु धैव्यु ।

महा मौद्ग ल्यायन स्थवीर अनं अंतर धान जुया
मनय आश्चर्य जूगु खँ भगवान् या थाय् वया वन्दना दाना
न्यन—“भगवान् । मनुष्य लोकय दनिम्ह पुन्यात्मा या निति
देवलोकय दिव्य सम्पति उत्पन्न ज्वीफेमा ?” भगवान्—
“मौद्गल्यायन छं स्वयं स्वंवे धुंकानं हानं छकः छाय् न्यने-
मागु ? मौद्गल्यायन । गथे गनं ताः पाक वना आपालं
दिन लिपा ल्याहाँ वैपि थः पुत्र अथवा थः स्वामि ल्याहाँवल
धका पुत्र अथवा स्वामि यात सकले वना स्वागत याइ अथेहे
पुन्यात्मा स्त्री अथवा पुरुष पित्त थुगु लोक तोता परलोक
वनीवले अगवानी याना देवता पिसं अभिनन्दन याइ ।” उप-
देश जुगु गाथा—

चिरप्पवासि पुरिसं दूरतो सोत्थि मागतं ।

ज्राति मित्ता सुहजा च अभिनन्दन्ति आगतं ॥११

तथेव कतपुञ्च प्रम्पि, अस्मालोका परं गतं ।

पुञ्चज्रानि पति गण्हन्ति पियं ज्रातीव आगतं ॥१२

गथे आपालं परदेसयदिन बित्य याना सकुसल द्वे
त्याहाँ वःम्ह पुरुष यात थः दाजु किजा मित्र बन्धु व हिते
षो पिसं स्वागत याइगुख ।

अथेहे थुगु लोकं परलोक वनीम्ह पुन्यात्मा पुरुष यात
वया पुण्यं हे सम्बन्धि समान जुया स्वागत यावै ।

तृष्णा षष्ठगो

(तृष्णा—नासं सकल—विजय २४-१०)

(सक्रया प्रश्ने जूगु कथा)

छगू समय देवता पिनिसमूहे ध्वखया प्रश्न जुल ।
दानमध्य छुदान श्रेष्ट खः? रसमध्य छुरस श्रेष्ट खः? रति—
येकेगु मध्य छुकियात येकेगु श्रेष्ट खः? अनंलि तृष्णाक्षय
छाय श्रेष्ट धाल? ध्व प्रश्न दा उत्तर सुनानं बीफुगु मख-
या । देवतापि देवराज सक्रयाथाय् वना न्यन । वस्पोलं नं
ध्व प्रश्नया उत्तर बी मफुसेंलि सकले देवतापिसाथ देवराज
सक्र सुथया प्रहरे जेतवन महाबिहारे भगवान बुद्धयाथाय्
वया नमस्कार याना उत्त प्रश्न न्यन । भगवानं—महाराज !
फुकदान मध्यधर्मदान श्रेष्ट खः, फुकरस मध्य धर्मरस हे श्रेष्ट
खः, फुक येकेगु मध्य धर्मयात येकेगु उत्तम ख, अनंलि तृष्णा-
क्षय अहंत्व प्राप्त ज्वीगु कारण उत्तमखः” गाथा—

सब्बदानं धर्मदानं जीनाति
 सब्बं रसं धर्मरसो जीनाति ।
 सब्बं रति धर्म रति जीनाति
 तण्ह क्खयो सब्ब दुक्खं जीनाति ॥२१॥
 धर्मदान फुकदान मध्य उत्तम खः, धर्मरस फुकरस
 मध्य प्रवलखः, धर्मयात हे येकेगु दकले तः धंगुखः, तृष्णा यात
 त्वाथला फुके फत धासा फुकक दुक्ख यात त्याकेफैगु उत्तम खः ।




Dhamma.Digital





अनुवादक या- मेमेगु सफू प्रकाश जुगु

- १) पञ्चस्कन्ध,
- २) बुद्ध-धर्म-उपदेश संग्रह
- ३) बुद्ध वचनामृत
- ४) गोण पेत वत्थु



Dhamma.Digital

मुद्रकः— ॐ प्रिन्टङ्ग प्रेस, ओम वहाल फोन २-१६०५६